



Institut za historiju

PREDMET: Poziv za učešće na Naučnom skupu „Bosna i njeni susjedi u srednjem vijeku“

Poštovani,

zadovoljstvo nam je pozvati Vas da sudjelujete na Naučnom skupu pod naslovom „Bosna i njeni susjedi u srednjem vijeku“ koji će biti održan 10. maja 2018. godine u organizaciji Instituta za historiju Univerziteta u Sarajevu.

Politički položaj južnoslavenskog svijeta u jugoistočnoj Evropi presudno je bio determiniran snagom dometa kojeg su ostvarivala dva civilizacijsko-politička bloka - zapadni katolički i istočni pravoslavni. Formiranjem bosanske države u rascjepu tih svjetova u ranom srednjem vijeku otpočela je njena historija. Iako su u ranijim razdobljima izvorne obavijesti skromne, skoro svaki podatak ukazuje na njenu povezanost sa okolnim svijetom. Ilustrativno je u tom smislu da prvi sačuvani dokument koji je proizašao iz kancelarije jednog bosanskog vladara govori upravo o tim odnosima. U skladu sa povećanjem moći bosanskih vladara i vlastele tokom razvijenog srednjeg vijeka intenzivirali su se odnosi i sa drugim političkim subjektima u regiji.

Krajem srednjeg vijeka Bosna je bila spojena jakim privrednim i kulturnim vezama sa okolnim svijetom. U političkom smislu, teritorijalno širenje države intenziviralo je ove procese. Pod utjecajem primorskih gradova preko Jadranskog i Mediteranskog mora oblikovala se organizacija trgovine, tehnika novčanih i kreditnih poslova, pa i pravnih odnosa. Ekonomska i politička kretanja i strujanja, suočavanja i razmjenjivanja, imala su vidljive posljedice i u unutrašnjem društvenom razvoju Bosne što se najbolje vidi na usponu plemstva i njegovog izdvajanja u zaseban stalež.

Naučni skup „Bosna i njeni susjedi u srednjem vijeku“ zamišljen je kao prilika da se ponude rezultati novih istraživanja, te iznesu rezultati dosadašnjih historiografskih dostignuća odnosa srednjovjekovne bosanske države i njenih susjeda, kao i udaljenijih država. Naučni skup je otvoren svim zainteresiranim naučnicima koji mogu ponuditi nove istraživačke rezultate.

Univerzitet u Sarajevu



Institut za historiju

Zainteresirane molimo da najkasnije do 31. decembra 2017. pošalju sažetak izlaganja (ne više od 400 riječi) i kratak CV. Sažetak treba poslati u elektronskoj formi na slijedeću e-mail adresu na koju se možete obratiti i za dodatne informacije: naucniskup2018@iis.unsa.ba. Obavještenje o prihvatanju prijave bit će poslano do 31. januara 2018. godine.

Iskreno se nadamo suradnji.

Srdačno,

Sarajevo, 12. oktobar 2017.

Organizacioni odbor:

dr. Elmedina Duranović

Nedim Rabić MA

dr. Enes Dedić